



Б р о ј: 01.1-05-019147/09  
Брчко, 17.06.2009.godine

Vlada Brčko Distrikta BiH, na osnovu člana 16. Zakona o Vladi Brčko Distrikta BiH ("Službeni glasnik Brčko Distrikta BiH" broj: 07, 36/07, 38/07 i 2/08) a u vezi sa članom 9. Zakona o izmirenju obaveza po osnovu računa stare devizne štednje emisijom obveznica u Brčko Distriktu Bosne i Hercegovine ("Službeni glasnik Brčko Distrikta BiH", broj:16/09) i Pravilnikom o postupku verifikacije potraživanja i gotovinskih isplata po osnovu računa stare devizne štednje u Brčko Distriktu Bosne i Hercegovine ("Službeni glasnik Brčko Distrikta BiH", broj: 40/06 i 11/07), na devetoj redovnoj sjednici održanoj 16.06.2009. godine donosi

## **O D L U K U**

### **O EMISIJU OBVEZNICA BRČKO DISTRIKTA BiH ZA IZMIRENJE OBAVEZA PO OSNOVU VERIFIKOVANIH RAČUNA STARE DEVIZNE ŠTEDNJE**

#### **Član 1. (Predmet)**

Odlukom o emisiji obveznica Brčko Distrikta BiH za izmirenje obaveza po osnovu verifikovanih računa stare devizne štednje (u daljem tekstu: Odluka), uređuje se način emitovanja obveznica Brčko Distrikta BiH po osnovu računa stare devizne štednje, a u cilju izmirenja obaveza Brčko Distrikta BiH (u daljem tekstu: Distrikt ) po osnovu verifikovanih računa stare devizne štednje.

#### **Član 2. (Iznos emisije obveznica)**

(1) Iznos emisije obveznica iz člana 1. ove odluke je 36.965.894,00 KM koji čini neisplaćeni iznos verifikovanih obaveza po osnovu računa stare devizne štednje u skladu sa Pravilnikom o postupku verifikacije potraživanja i gotovinskih isplata po osnovu računa stare devizne štednje u Brčko Distriktu BiH (u daljem tekstu: Pravilnik), nakon gotovinskih isplata.

(2) Iznos iz stava (1) ovog člana predstavlja sumu pojedinačnih verifikovanih iznosa, umanjениh za isplaćene gotovinske isplate i poslije otpisa iznosa u pferinzima za svakog povjerioca.

#### **Član 3. (Elementi obveznica)**

Osnovni elementi obveznica iz člana 1. ove odluke su:

- a) emitent: Brčko Distrikt Bosne i Hercegovine;
- b) nominalna vrijednost emisije: 36.965.894,00 KM;
- c) naziv emisije: obaveze po osnovu verifikovanih računa stare devizne štednje;
- d) vrsta obveznica: dugoročna obveznica sa kamatnim prinosom (kuponom), neograničeno prenosiva, u nematerijalizovanom obliku, na ime;

- e) nominalna vrijednost jedne obveznice: jedna konvertibilna marka;
- f) tip emisije: primarna emisija;
- g) redni broj emisije: prva emisija;
- h) broj emitovanih obveznica: 36.965.894;
- i) datum emisije: 30.06.2009;
- j) rok dospijeća: 31.03.2015;
- k) kamatna stopa: fiksna, 2,5% godišnje, računa se na ostatak glavnice uz primjenu linearnog modela obračuna kamate.

#### **Član 4. (Glavnica i kamata)**

(1) Obveznice nose kamatu na glavnicu po stopi 2,5% godišnje, koja se obračunava polugodišnje.

(2) Vlasnik obveznice ima pravo na pripadajući dio glavnice u godišnjim periodima i pripadajući dio kamate obračunate na preostali dio glavnice u polugodišnjim periodima.

(3) Prva isplata kamate i glavnice izvršava se 30. septembra 2009. godine, za period od (i uključujući) 31. mart 2009. godine do (ali ne uključujući) 30.septembar 2009. godine.

(4) Glavnice se isplaćuju jednom godišnje prema sljedećem planu: 30.septembar 2010.; 30.septembar 2011.; 30.septembar 2012.; 30.septembar 2013.; 30.septembar 2014. i 31.mart 2015.godine.

(5) Kamate se isplaćuju polugodišnje prema sljedećem planu: 31.mart 2010.; 30.septembar 2010.; 31.mart 2011.; 30.septembar 2011.; 31.mart 2012.; 30.septembar 2012.; 31.mart 2013.; 30.septembar 2013.; 31.mart 2014.; 30.septembar 2014. i 31.mart 2015.godine.

#### **Član 5. (Otplatni plan)**

(1) Kamata i glavnica isplaćuje se na dan dospijeća, a najkasnije u roku od sedam dana od dana obračuna kamate, odnosno dospijeća glavnice prenosom sredstava na račune vlasnika obveznica.

(2) Isplata iz stava (1) ovog člana se vrši u skladu sa sljedećim otplatnim planom:

a) za cjelokupnu emisiju obveznica;

<b>Datum isplate</b>	<b>Preostali dio nominalne vrijednosti</b>	<b>Stopa otplate</b>	<b>Isplata glavnice</b>	<b>Isplata kamate</b>	<b>Isplata ukupno</b>
	36.965.894				
30.09.2009.	33.456.458	9,50%	3.509.436	462.073.68	3.971.509,68
31.03.2010.	-	-	-	418.205,73	
30.09.2010.	29.206.007	11,50%	4.250.451	418.205,73	5.086.862,46

31.03.2011.	-	-	-	365.075,09	
30.09.2011.	24.586.221	12,50%	4.619.786	365.075,09	5.349.936,18
31.03.2012.	-	-	-	307.327,76	
30.09.2012.	19.411.681	14,00%	5.174.540	307.327,76	5.789.195,52
31.03.2013	-	-	-	242.646,01	
30.09.2013.	13.312.556	16,50%	6.099.125	242.646,01	6.584.417,02
31.03.2014.	-	-	-	166.406,96	
30.09.2014.	6.845.811	17,50%	6.468.745	166.406,96	6.801.558,92
31.03.2015.	-	18,50%	6.843.811	85.547,64	6.929.358,64
<b>UKUPNO:</b>	-	<b>100,00%</b>	<b>36.965.894</b>	<b>3.546.944,42</b>	<b>40.512.838,42</b>

b) za emisiju obveznica kojima se trguje preko Banjalučke berze papira od vrijednosti, a.d Banja Luka (u daljem tekstu: Banjalučka berza):

Datum isplate	Preostali dio nominalne vrijednosti	Stopa otplate	Isplata glavnice	Isplata kamate	Isplata ukupno
	20.991.459				
30.09.2009.	18.998.855	9,50%	1.992.604	262.393,24	2.254.997,24
31.03.2010.	-	-	-	237.485,69	
30.09.2010.	16.585.419	11,50%	2.413.436	237.485,69	2.888.407,38
31.03.2011.	-	-	-	207.317,74	
30.09.2011.	13.961.777	12,50%	2.623.642	207.317,74	3.038.277,48
31.03.2012.	-	-	-	174.522,21	
30.09.2012.	11.023.317	14,00%	2.938.460	174.522,21	3.287.504,42
31.03.2013	-	-	-	137.791,46	
30.09.2013.	7.559.718	16,50%	3.463.599	137.791,46	3.739.181,92
31.03.2014.	-	-	-	94.496,48	
30.09.2014.	3.886.398	17,50%	3.673.320	94.494,48	3.862.312,96
31.03.2015.	-	18,50%	3.886.398	48.579,98	3.934.977,98
<b>UKUPNO:</b>	-	<b>100,00%</b>	<b>20.991.459</b>	<b>2.014.200,38</b>	<b>23.005.659,38</b>

c) za emisiju obveznica kojima se trguje preko Sarajevske berze papira od vrijednosti, d.d., Sarajevo (u daljem tekstu: Sarajevska berza):

Datum isplate	Preostali dio nominalne vrijednosti	Stopa otplate	Isplata glavnice	Isplata kamate	Isplata ukupno
	15.974.435				
30.09.2009.	14.457.603	9,50%	1.516.832	199.680,44	1.716.512,44
31.03.2010.	-	-	-	180.720,04	
30.09.2010.	12.620.588	11,50%	1.837.015	180.720,04	2.198.455,08

31.03.2011.	-	-	-	157.757,35	
30.09.2011.	10.624.444	12,50%	1.996.144	157.757,35	2.311.658,70
31.03.2012.	-	-	-	132.805,55	
30.09.2012.	8.388.364	14,00%	2.236.080	132.805,55	2.501.691,10
31.03.2013	-	-	-	104.854,55	
30.09.2013.	5.752.838	16,50%	2.635.526	104.854,55	2.845.235,10
31.03.2014.	-	-	-	71.910,48	
30.09.2014.	2.959.413	17,50%	2.795.425	71.910,48	2.939.245,96
31.03.2015.	-	18,50%	2.957.413	36.967,66	2.994.380,66
<b>UKUPNO:</b>	-	<b>100,00%</b>	<b>15.974.435</b>	<b>1.532.744,04</b>	<b>17.507.179,04</b>

(3) Podjela cjelokupne emisije obveznica iz stava (2) tačke b) i c) ovog člana izvršena je po osnovu teritorijalne pripadnosti sjedišta poslovnih banaka kod kojih su vlasnici obveznica otvorili tekuće račune na koje se doznačavaju sredstva od isplata glavnice i kamata na emitovane obveznice.

#### **Član 6. (Datumi dospijea)**

- (1) Obveznice dospijevaju za naplatu jednom godišnje, kako slijedi:
- a) obveznice Serije A, u ukupnom iznosu od 3.509.436, sa datumom dospijea 30.09.2009. godine, izdaju se povjeriocima na ime izmirenja dijela duga po osnovu stare devizne štednje;
  - b) obveznice Serije B u ukupnom iznosu od 4.250.451 sa datumom dospijea 30.09.2010. godine, izdaju se povjeriocima na ime izmirenja dijela duga po osnovu stare devizne štednje;
  - c) obveznice Serije C u ukupnom iznosu od 4.619.786 sa datumom dospijea 30.09.2011.godine, izdaju se povjeriocima na ime izmirenja dijela duga po osnovu stare devizne štednje;
  - d) obveznice Serije D u ukupnom iznosu od 5.174.540 sa datumom dospijea 30.09.2012.godine, izdaju se povjeriocima na ime izmirenja dijela duga po osnovu stare devizne štednje;
  - e) obveznice Serije E u ukupnom iznosu od 6.099.125 sa datumom dospijea 30.09.2013.godine, izdaju se povjeriocima na ime izmirenja dijela duga po osnovu stare devizne štednje;
  - f) obveznice Serije F u ukupnom iznosu od 6.468.745 sa datumom dospijea 30.09.2014.godine, izdaju se povjeriocima na ime izmirenja dijela duga po osnovu stare devizne štednje;
  - g) obveznice Serije G u ukupnom iznosu od 6.843.811 sa datumom dospijea 31.03.2015.godine, izdaju se povjeriocima na ime izmirenja dijela duga po osnovu stare devizne štednje.
- (2) Obveznice kojima se trguje na Banjalučkoj berzi dospijevaju na naplatu jednom godišnje, kako slijedi:
- a) obveznice Serije A1 u ukupnom iznosu od 1.992.604 sa datumom dospijea 30.09.2009.godine;
  - b) obveznice Serije B1 u ukupnom iznosu od 2.413.436 sa datumom dospijea 30.09.2010. godine;
  - c) obveznice Serije C1 u ukupnom iznosu od 2.623.642 sa datumom dospijea 30.09.2011. godine;

- d) obveznice Serije D1 u ukupnom iznosu od 2.938.460 sa datumom dospjeća 30.09.2012. godine;
- e) obveznice Serije E1 u ukupnom iznosu od 3.463.599 sa datumom dospjeća 30.09.2013. godine;
- f) obveznice Serije F1 u ukupnom iznosu od 3.673.320 sa datumom dospjeća 30.09.2014. godine;
- g) obveznice Serije G1 u ukupnom iznosu od 3.886.398 sa datumom dospjeća 31.03.2015. godine.

(3) Obveznice kojima se trguje na Sarajevskoj berzi dospijevaju na naplatu jednom godišnje, kako slijedi:

- a) obveznice Serije A2 u ukupnom iznosu od 1.516.832 sa datumom dospjeća 30.09.2009. godine;
- b) obveznice Serije B2 u ukupnom iznosu od 1.837.015 sa datumom dospjeća 30.09.2010. godine;
- c) obveznice Serije C2 u ukupnom iznosu od 1.996.144 sa datumom dospjeća 30.09.2011. godine;
- d) obveznice Serije D2 u ukupnom iznosu od 2.236.080 sa datumom dospjeća 30.09.2012. godine;
- e) obveznice Serije E2 u ukupnom iznosu od 2.635.526 sa datumom dospjeća 30.09.2013. godine;
- f) obveznice Serije F 2 u ukupnom iznosu od 2.795.425 sa datumom dospjeća 30.09.2014. godine;
- g) obveznice Serije G2 u ukupnom iznosu od 2.957.413 sa datumom dospjeća 31.03.2015. godine.

#### **Član 7.**

##### **(Isplata zakonske zatezne kamate)**

U slučaju kašnjenja sa isplatom kamate, odnosno glavnice iz obveznica poslije isteka roka iz člana 6. stav (1) ove odluke, Brčko Distrikt BiH plaća zakonsku zateznu kamatu.

#### **Član 8.**

##### **(Osiguranje sredstava)**

(1) Sredstva za izmirenje obaveza po ovoj emisiji obezbjeđuju se iz budžeta Distrikta.

(2) Sredstva za isplatu dospjele glavnice i obračunate kamate obveznica Direkcija za finansije Brčko Distrikta BiH (u daljem tekstu: Direkcija) isplaćuje, u skladu sa rokom utvrđenim u članu 6. ove odluke, vlasniku obveznice, bez odbitka troškova i naknada Komisije za papire od vrijednosti Brčko Distrikta BiH (u daljnjem tekstu: Komisija).

#### **Član 9.**

##### **(Bezuslovnost, ravnopravnost, otkup i dospijeće obveznica)**

(1) Obveznice predstavljaju direktnu i безусловnu obavezu Distrikta, međusobno su ravnopravne i najmanje su u istom rangu sa svim drugim sadašnjim i budućim obavezama za čije izvršenje sredstva obezbjeđuje Distrikt.

(2) Distrikt može, u bilo koje vrijeme, otkupiti obveznice po bilo kojoj cijeni na tržištu ili na drugi način, u skladu sa odlukom Vlade Brčko Distrikta BiH (u daljnjem tekstu: Vlada), pod uslovom da, u slučaju kupovine javnom ponudom, takva ponuda bude jednako dostupna svim vlasnicima obveznica.

(3) Vlasnik obveznice nema pravo da traži prijevremeno dospijeće obveznica, odnosno da proglasi bilo koju obveznicu dospelom i plativom prije njenog dospijeća.

#### **Član 10. (Oporezivanje)**

Prihodi od kamata i kapitalne dobiti po osnovu obveznica se ne oporezuju.

#### **Član 11. (Registracija obveznica)**

(1) Obveznice se upisuju kod Komisije.

(2) Pravo vlasništva nad obveznicama i pravo raspolaganja stiče se danom upisa obveznica kod Komisije.

(3) Lice ovlašteno za sprovođenje ove odluke, u roku od osam dana od dana donošenja odluke, podnosi Komisiji zahtjev za registraciju (upis) obveznica i izvještaj o obavezama po osnovu verifikovanih računa stare devizne štednje koje se izvršavaju emisijom obveznica, a koje su verifikovane u skladu sa odredbama zakona i pravilnikom.

(4) Za tačnost podataka u izvještaju, koji ovlašteno lice dostavlja Komisiji, odgovara Agencija za posredničke, informatičke i finansijske usluge a.d. Banja Luka.

(5) Komisija, na osnovu primljene odluke, kao i zahtjeva za registraciju obveznica sa izvještajem iz stava (3) ovog člana, registruje emisiju, otvara i vodi račune vlasnika obveznica, vrši registraciju i čuva podatke o sticanju vlasništva i pravima iz obveznica, izdaje izvještaje, izvode i potvrde o stanju i promjenama na računima vlasnika obveznica, u skladu sa propisima koji uređuju tržište papira od vrijednosti i aktima Komisije.

#### **Član 12. (Upis u registar emitenata)**

Distrikt se ne upisuje u Registar emitenata kod Komisije.

#### **Član 13. (Uvrštavanja na službena berzanska tržišta i trgovina obveznicama)**

(1) Komisija je dužna da obavijesti Banjalučku i Sarajevsku berzu o registraciji obveznica.

(2) Uvrštavanje emitovanih obveznica iz člana 6. stav (2) na Sarajevsku berzu se vrši na osnovu činjenice da su vlasnici obveznica otvorili svoj transakcioni račun za isplatu sredstava po osnovu ove emisije na području za koje je nadležna navedena berza.

(3) Uvrštavanje emitovanih obveznica iz člana 6. stav (3) na Banjalučku berzu se vrši na osnovu činjenice da su vlasnici obveznica otvorili svoj transakcioni račun za isplatu sredstava po osnovu ove emisije na području za koje je nadležna navedena berza.

(4) Na osnovu izvještaja Komisije, obveznice emitovane u skladu sa zakonom uvrštavaju se na službeno berzansko tržište berzi iz stava (1) ovog člana.

(5) Trgovina obveznicama na sekundarnom tržištu obavlja se u skladu sa propisima kojima se uređuje trgovina papirima od vrijednosti.

(6) Cijena obveznica, uvrštenih u službeno berzansko tržište berzi, bazira se na tzv. čistoj cijeni, odnosno neće obuhvatati stečenu kamatu.

(7) Plaćanje po obavljenoj kupovini obveznica na službenom berzanskom tržištu obavlja se po cijeni po kojoj se trgovalo, uvećanoj za stečenu kamatu za period od zadnje isplate kamate do pretpostavljenog dana poravnanja, ne uključujući pretpostavljeni dan poravnanja.

(8) Za obračun stečene kamate iz obveznica uzima se stvarni broj dana u periodu za koji se obračunavaju kamate, odnosno za period od (i uključujući) dana dospijeća prethodnog kupona do (ali ne uključujući) dana dospijeća slijedećeg kupona.

#### **Član 14.** **(Obaveze Komisije)**

(1) Komisija je dužna:

- a) obavljati sve poslove neophodne za pripremu izvještaja o vlasnicima obveznica, njihovim tekućim računima, broju obveznica sa kojima raspolaže, iznosom otplate glavnice i obračunate kamate po dospelom kuponu, a sve u cilju nesmetanog obavljanja isplate po obveznicama;
- b) formirati podatke navedene u tački a) ovog stava, ukupno i pojedinačno po bankama i dostaviti ih Direkciji;
- c) obavijestiti Direkciju o iznosu ukupne obaveze po dospeljoj glavnici po obveznicama, ukupne obaveze po dospeljoj obračunatoj kamati i razlici u kamati, koja nastaje pri zaokruživanju iznosa kamate na dvije decimale za svakog vlasnika obveznica;
- d) po dobijanju povrata fajlova, voditi evidenciju o obavezama po osnovu dospjele glavnice i obračunate kamate za vlasnike obveznica kojima iz tehničkih razloga nije izvršena isplata dospelog kupona;
- e) u saradnji sa Direkcijom i povjericima odnosno vlasnicima koji nisu iz tehničkih razloga primili uplatu sredstava, ustanovljavati greške i vršiti korekcije podataka o vlasnicima i ponavljati proceduru slanja fajlova za one vlasnike obveznica stare devizne štednje kojima nisu raspoređena sredstva po dospelju obveznica;
- f) dostavljati fajlove za isplatu obveznica Direkciji koji sadrže podatke o iznosima za isplatu kamate i glavnice vlasnicima obveznica u polugodišnjim periodima na datume dospijeća kupona.

(2) Fajlovi se dostavljaju najkasnije do kraja radnog vremena na datume dospijeća.

(3) Ukoliko datumi dospijeća kupona padaju u neradne dane, fajl se šalje najkasnije prvog narednog radnog dana.

(4) Fajl za isplatu obveznica je sačinjen je u ACCESS formatu i sadrži slijedeće podatke:

- a) redni broj;
- b) prezime i ime, odnosno naziv ;
- c) identifikacioni broj;
- d) oznaka i broj obveznica;
- e) iznos glavnice za isplatu izražen u KM;
- f) iznos kamate za isplatu izražen u KM;
- g) ukupan iznos za isplatu izražen u KM;
- h) broj računa kod banke i naziv banke;
- i) poziv na broj.

(3) Komisija elektronski , a u roku od naredna tri dana i pismeno, obavještava Direkciju o ukupnom iznosu za isplatu kamate i glavnice vlasnicima obveznica po svim bankama sa naznačenim kodom i nazivom svake banke i njoj pripadajućeg dijela glavnice i kamate.

#### **Član 15. (Obaveze Direkcije)**

Direkcija je dužna:

- a) redovno obezbjeđivati potrebna sredstva za isplatu dospjele glavnice i obračunate kamate po obveznicama;
- b) redovno dostavljati Komisiji obavještenje sa podacima o nazivima banaka sa kodovima za svaku banku i korekcijama podataka o bankama, najkasnije dva radna dana prije datuma dospjeća kupona (glavnice i obračunate kamate po obveznicama);
- c) omogućiti nesmetanu razmjenu podataka potrebnih za izvršavanje isplate dospjelog kupona obveznice;
- d) izvršiti uplate zbirnih sredstava za isplatu dospjele glavnice i sredstava dospjele obračunate kamate na transakcione račune banaka, koje sredstva raspoređuju vlasnicima, prema priloženim fajlovima Komisije;
- e) Komisiji pružiti punu podršku (materijali, dokumenti i informacije), potrebnu za blagovremeno i kvalitetno izvršenje posla.

#### **Član 16. (Rješavanje sporova)**

U slučaju spora, stranke svoja međusobna prava i obaveze rješavaju u skladu sa zakonima koji uređuju ovu oblast pred Osnovnim sudom u Brčko Distriktu BiH.

#### **Član 17. (Realizacija odluke)**

Za realizaciju ove odluke zadužuje se Direkcija, a direktor Direkcije je lice ovlašteno za sprovođenje ove Odluke.

**Član 18.**  
**(Dostavljanje)**

Ovaj nacrt prijedloga odluke dostavlja se Vladi na razmatranje i odobravanje te upućivanje Skupštini na konačno usvajanje i objavljivanje u "Službenom glasniku Brčko Distrikta BiH".

**DOSTAVLJENO:**

1. Skupštini Brčko Distrikta BiH,
2. Glavnom koordinatoru Vlade,
3. Sekretarijatu Vlade – Sektoru za opće poslove,
4. Sekretarijatu Vlade – Sektoru za pravne poslove,
5. «Službenom glasniku Brčko Distrikta BiH»,
6. Arhivi.

**GRADONAČELNIK**

**dr Dragan Pajić**

## O b r a z l o ž e n j e

### I. PRAVNI OSNOV

Članom 1. stav (2) Zakona o izmirenju obaveza po osnovu računa stare devizne štednje ("Službeni glasnik BiH", broj: 28/06,76/06 i 72/07) propisano je da je za izmirenje obaveza po osnovu računa stare devizne štednje odgovorna Bosna i Hercegovina, a sredstva obezbjeđuju Federacija Bosne i Hercegovine, Republika Srpska i Brčko Distrikt Bosne i Hercegovine.

### II. RAZLOZI ZA DONOŠENJE

Odluka o emisiji obveznica Brčko Distrikta BiH za izmirenje obaveza po osnovu verifikovanih računa stare devizne štednje se donosi na osnovu člana 6. i 10. Zakona o izmirenju obaveza po osnovu računa stare devizne štednje emisijom obveznica u Brčko Distriktu BiH („Službeni glasnik Brčko Distrikta BiH“ br.16/09).

Postupku emisije obveznica je prethodio postupak verifikacije potraživanja po osnovu računa stare devizni štednje od strane Agencije za posredničko-informatičke i finansijske usluge, B.Luka, PJ Brčko (APIF).

Brčko Distrikt BiH je, u skladu sa odredbama okvirnog - državnog Zakona o izmirenju obaveza po osnovu računa stare devizne štednje i Pravilnika o postupku verifikacije potraživanja i gotovinskih isplata po osnovu računa stare devizne štednje u Brčko Distriktu BiH, a po prethodno provedenom postupku verifikacije potraživanja od strane APIF-a, izvršio gotovinske isplate do pojedinačnog iznosa od 1.000 KM verificiranim štedišama, njih ukupno 3080, iz budžetskih sredstava Distrikta, i to: iz Budžeta 2007.godine ukupno 1.660.916,36 KM i iz Budžeta 2008.godine ukupno 999.961,80 KM, a za ostatak do ukupno verificiranog iznosa (39.097.520 KM) okvirnim zakonom je bilo predviđeno da se putem Ministarstvo finansija i trezora BiH i Centralne banke BiH izvrši emisija obveznica, i to za 2252 štediša iz Brčko Distrikta BiH.

S obzirom da iz poznatih razloga nije došlo do emisije obveznica u skladu sa okvirnim - državnim zakonom, nastojeći da se dio obaveza prema štedišama izmiri, a polazeći od činjenice da su u Budžetu Brčko Distrikta BiH za 2008.godinu obezbijeđena sredstva za ove namjene u ukupnom iznosu od **3.420.590 KM** (od toga sredstva namijenjena za isplatu glavnice u iznosu od 2.931.871 KM i za isplatu kamate za period 31.03.2008. do 30.09.2008.godine u iznosu od 488.719 KM), Vlada Brčko Distrikta BiH je donijela Odluku o gotovinskoj isplati verificiranih potraživanja računa stare devizne štednje temeljem planirane emisije obveznica za 2008.godinu, a u skladu sa otplatnim planom koji je sastavni dio Odluke o rasporedu po godinama dospjeća obveznica Bosne i Hercegovine koje se izdaju radi izmirenja obaveza po osnovu računa stare devizne štednje za Federaciju BiH i Brčko Distrikt BiH ("Službeni glasnik BiH" br.29/08).

Također, na osnovu Odluke o gotovinskoj isplati verificiranih potraživanja računa stare devizne štednje temeljem planirane emisije obveznica za 2009. godinu isplaćena je kamata za period od 01.10.2008. do 31.03.2009.godine u iznosu od **462.077,91 KM**.

Za izmirenje ostatka obaveza do ukupno verificiranog iznosa (**36.965.894 KM**) donosi se Zakon o izmirenju obaveza po osnovu računa stare devizne štednje emisijom obveznica u Brčko Distriktu BiH, a na osnovu kojeg se predlaže Odluka o emisiji obveznica Brčko Distrikta BiH za izmirenje obaveza po osnovu verifikovanih računa stare devizne štednje čiji je sastavni dio otplatni plan sačinjen po principu rastućih stopa otplate (od 9,5% u 2009.g. do 18,5% u 2.015 godini), a na osnovu okvirnih iznosa iskazanih u otplatnom planu koji je sastavni dio Odluke o rasporedu po godinama dospjeća obveznica Bosne i Hercegovine koje se izdaju radi izmirenja obaveza po osnovu računa stare devizne štednje za Federaciju BiH i Brčko Distrikt BiH.

Prema ovoj Odluci Distrikt će jednom godišnje isplaćivati štedišama (za njih ukupno 1722) dio glavnice (dana 30.09.), a dva puta pripadajući iznos kamate za šestomjesečno razdoblje po godišnjoj kamatnoj stopi od 2,5% (dana 31.03. i 30.09.), i to zaključno sa 31.03.2015.godine kada se vrši posljednja isplata dijela glavnica i pripadajuće kamate za posljednji šestomjesečni period. Ovako utvrđeni datumi proizilaze iz Odluke Vijeća ministara o rasporedu po godinama dospijea obveznica Bosne i Hercegovine koje se izdaju radi izmirenja obaveza po osnovu računa stare devizne štednje za Federaciju BiH i Brčko Distrikt BiH.

Dakle, prema datom otplatnom planu obaveze po osnovu emitiranih obveznica stare devizne štednje će se izmiriti u periodu 2009-2015 godine i to: glavnica 36.965.894 KM i kamata 3.546.944,42 KM što ukupno čini 40.512.838,42 KM.

Datum emisije 30.06.2009.godine je već utvrđen članom 8. Zakona o izmirenju obaveza po osnovu računa stare devizne štednje emisijom obveznica u Brčko Distriktu BiH („Službeni glasnik Brčko Distrikta BiH“ br.16/09), kao krajnji rok za emisiju obveznica.

### **III. FINANSIJSKA SREDSTVA**

U Budžetu Brčko Distrikta BiH za 2009.godinu obezbijedena su sredstva za izmirenje obaveza po ovoj Odluci u ukupnom iznosu od 3.971.509,68 KM (dio glavnica u iznosu od 3.509.436 KM i iznos od 462.073,68 na ime pripadajuće kamate za šestomjesečni period od 31.03. do 30.09.2009.godine).